

宋
名
家
詞

平齋詞

目錄

沁園春

四調

風流子

一調

賀新郎

四調

漢宮春

一調

夏初臨

一調

滿江紅

二調

天香

一調

水調歌頭

二調

念奴嬌

二調

更漏子

一調

好事近

一調

朝中措

三調

點絳脣

一調

西江月

一調

浣溪沙

四調

菩薩蠻

一調

鷓鴣天

一調

蝶戀花

一調

臨江仙

一調

南鄉子

一調

眼兒嬌

二調

南鄉子

一調

祝英臺近

一調

謁金門

二調

卜算子

二調

柳梢青

二調

平齋詞目錄

終

平齋詞

宋 洪咨夔

沁園春

壽俞
紫薇

詩不云乎蒹葭蒼蒼白露爲霜看高山喬木青
雲老榦英華滋液亦歛而藏匠石操斤便游林
下一舉採之充棟梁須知道是天將大任翕處
還張 薇郎玉佩丁當問何事午橋花竹莊又
星回歲換臘殘春淺錦熏籠紫栗玉盃黃喚起

平齋言

汲古閣

東風吹醒宿酒把甲子從頭重數將明朝去趁
傳柑宴近滿袖天香

又

次黃
率韵

歸去來兮杜宇聲聲道不如歸正新煙百五雨
留酒病落紅一尺風妬花期睡起綠窗銷殘香
篆手板檮頤還倒持無人解自追遊仙夢作送
春詩 風流不似年時把別墅江山供奕碁空
一川芳草半池晴絮歌翻長恨賦續懷離桃葉

渡頭沈香亭北往事悠悠難重思
徘徊處看鳴鳩喚婦乳燕將兒

又

壽淮東
制置

飲馬咸池攬轡崑崙橫驚九州慶中興
機會天生山甫非常事業天授畱侯左搏
龍蛇右馴虎兇萬里中原談笑收功名
早便貂蟬獵獵飛出兜牟新甿無限歡
謳盡賣劒賣刀歸買牛正麥搖黑吹黃
迷斷壟秧涵朝雨綠遍平疇眼底

太平不圖再見羅拜焚香青海頭從今去願君
王萬歲元帥千秋

又 用周潛夫韻

秋氣悲哉薄寒中人皇皇何之更黃花吹雨蒼
苔滑侵欄空關鴨床老支龜靜裏蛩音咽邊眉
蹙蹴踏星河天脫鞵清談久頓兩忘妍醜嫫姆
西施 濂溪家住江湄愛出水芙蓉清絕姿好
光風霽月一團和氣尸居龍見神動天隨著察

工夫誠存體段个裏語言文字非君家事莫空
將太極散打圖碑

風流子

和楊帥
芍藥

錦幄醉荼蘼狡狴暝銀蒜壓煙霏正韓范安邊
歐蘇領客紅芳庭院綠蔭窗扉看句挽春春肯
住更判羽觴揮金繫花腰玉勾人面嬌慵無力
姪姹相依 繁華都能幾青油幕好與遮護晴
暉寄語東君莫教一片輕飛向溫馨深處畱歡

卜夜月移花影露裊人衣只恐明朝西垣有詔
催歸

賀新郎

壽成都
孫宰

露洗秋光透指岷峨無邊峭碧與君爲壽萬里
同隨渠鶴到只願人情長久儘頭白眼青如舊
從吏功名三尺劔倚函關風雨蛟龍吼談笑取
印如斗從今盡展眉峰皺看諸郎翩翩黃甲
班班藍綬一簇孫枝扶膝下翠竹碧梧爭秀便

嘉慶圖中都有花影婆娑清晝永護新涼更著
絲簧手歡未盡賸添酒

又

壽程
於浩

風□簾花約玉壺天芙蓉欲蓋簣簣初架宿靄
收陰晴色定一點明星碧落光拍滿浮谿岸寧
銀櫛鐵冠風物古更秧青麥熟蠶登箔謹取酒
爲君酌 華堂繡袞今如昨長官清水晶燈照
珊瑚鉤琢富貴功名知有樣晨起一聲簷鵲使

立齋詞

四

汲古閣

好趁六更宮鑰龍尾朝回長燕喜寶香深醉引
萊衣著吹紫鳳舞黃鶴

又

詠梅用甄
龍友韵

放了孤山鶴向西湖問訊水邊嫩寒籬落試粉
盈盈微見面一點芳心先著正日暮煙輕雲薄
欲攬清香和月嚙倩馮夷爲洗黃金杓花向我
勸多酌單于吹徹今成昨未甘渠琢玉爲堂
把春畱却倚遍黃昏欄十二知被兒曹先覺更

笑殺盧仝赤脚但得東風先在手
管綠陰好踐青青約方寸事兩眉角

又

誰識昂昂鶴且隨緣剗水殘
山東村西落世事幾番新局面
看底却高三著况轉首西山日薄
雪意壓簷梅索笑任柄長柄短
隣家杓筴小甕動孤酌
見花憶得年時昨正微醺獨步黃昏
被花迷却冷月吹香春弄影
么鳳梢頭先覺恍

平齋詞

波古蜀

夢斷羅浮山脚欲寄心期無驛使想凌寒不奈
腰肢約空凭喚画欄角

漢宮春

老人慶七十

南極仙翁占太微元蓋洞府爲家身騎若木倒
景手弄青霞芙蓉飛旆映一川新綠平沙好與
問東風結子幾回開遍桃花 況是初元玉曆
更循環數起希有年華長把清明夜氣養就丹
砂麻姑送酒安期生遺棗如瓜歡醉後呼兒烹

試頭綱小鳳團茶

夏初臨

鐵甕栽荷銅彝種菊膽瓶萱草榴花庭戶深沈
畫圖低映窗紗數枝奇石谿畚染宣和瑞露明
霞於菟長嘯風林□□霜草先斜雪絲香裏
冰粉光中興來進酒睡起分茶輕雷急雨銀篴
迸插簷牙涼入琵琶枕幃開又送蟾華問生涯
山林朝市取次人家

滿江紅

送雨迎晴花事過一庭芳草簾影動
歸來雙燕似悲還笑笑我不知人意
變悲人空爲韶華老滿天涯都是別
離愁無人埽海棠晚荼蘼早飛絮急
青梅小把風流醺藉向誰傾倒秋水
盈盈魂夢遠春雲漠漠音期悄最關
情鴨鴣一聲催窗紗曉

又

老人遊東山追和
俞貳卿詞謹用韵

把酒西風渾莫問主賓誰惡千古事幾人遇合
幾人流落肝膽輪囷溟渤小精神浩蕩蓬萊薄
望拒霜紅處是東山長如昨蒼苔跡何曾削
黃葉夢何難覺等春雲出岫秋波歸壑老子婆
娑風度遠佳人縹緲腰肢約况登高節過又登
高須多酌

閏九月

天香

壽朱尚書

雲母屏開博山爐熨人間南極星現酥篆千秋

燈圖百子酒浪花光照面堂深戲綵任父老兒
童爭勸耆艾相將潞國精明恰如清獻 春風
飄香合殿仗雲齊漏遲宮箭正好簪荷人侍帕
柑傳宴日月華蟲舊綯便與試胸中五紋線壽
域長開洪鈞長轉

水調歌頭

送曹侍郎
歸永嘉

四海止齋老百世水心翁都將不盡事業付與
道俱東氣脉中庸大學體統采薇天保幾疏柘

袍紅千仞倚寥碧一點駕歸鴻
扈江籬貫薜荔製芙蓉
午橋綠野深處心與境俱融
搏控乾坤龍馬簸弄坎離日月蒼鬢映方瞳
只恐又催詔飛度橘花風

又

中夏望前
一夕步月

如此好明月梅裏自來無
炎雲溽霧收盡宇宙
一冰壺淺瀨乍分隨合清影欲連還斷
滉漾玉浮圖風物庾樓似秋思欠菰蒲
醉魂醒塵骨

換我非吾瓊簫紫鳳何許風露足清都君看流
光多處縹緲澣人立白與藕花俱只恐姮娥
妬涼透粟生膚

念奴嬌

老人用僧仲殊韵
詠荷花橫披謹和

香山老矣正商量不下去畱蠻素獨立躊躇腸
欲斷一段若耶溪女水底新妝空中香袖斜日
疎風浦向人欲語坐楊清陰多處便好花裏
喚船碧甯白酒微吸荷心苦佳月一鉤天四碧

隱約明波橫注雪藕逢絲碧蓮見惹枕簟涼如
雨一雙宿鷺伴人永夜翹竚

又

敬借老人
燈韻爲壽

光風霽月信行窩到處人間天上一笑喚回新
造化滿眼翠舒紅放腦後功名脚跟富貴夢斷
春旗仗幅巾蕭散任他蟣蝨龍象 正是楊柳
初眠海棠半睡錦繡天開障鶴骨松筋年望八
得醉不妨瀾浪節過燒燈時催修禊迎面韶華

蕩宗文扶著問翁馬有何向

更漏子

次黃宰夜
聞桂香

眼生花燈綴粟人在黃金列屋金縷細道冠
膽瓶涼意生緩歌絃停酒尊待得香風吹下
斜月轉斷雲回風流不讓梅

好事近

次曹提
管春行

二十四番風纔見一番花鳥已自有人春瘦正
遠山橫峭踏青底用十分晴半陰晴方好溪

院日長睡起又海棠開了

朝中措

送同官
滿歸

荷花香裏藕絲風人在水晶宮天上橋成喜鵲
雲邊帆認歸鴻去天尺五城南杜趣對柘袍
紅若問安邊長策莫須浪說和戎

又

次楊仲
禹韵

翠盆紅藥護觥籌風物似揚州春事一聲杜宇
人生能幾狐裘有山可買有書可讀不願封

畱一任東風輦路羣公蒼佩鳴璆

又

壽章
君舉

滂葩七十二灘春鍾瑞石麒麟流水行雲才思
光風霽月精神金蕉進酒斑衣起舞喜氣津
津羣玉峰頭環珮紫薇花底絲綸

點絳脣

次張伯
修韵

花事無多笙歌綰取東風住玉彝雕俎樓外更
籌屢醉喚驪駒催上天梯去君知否半邊銅

虎鄧艾經行路

西江月

壽章
叔厚

庭下宜男萱草牆頭結子榴花非煙非霧富平
家人物風流如画寶月曾修玉斧銀河欲泛
仙槎美人睡起綠雲斜一笑扶將壽竿

浣溪沙

壽子
有

蒼鶴飛來水竹幽初弦涼月一簾秋木犀花底
試新篳鳳咮硯供無盡藏龍飛榜占最高頭

慈闈洗眼看封侯

又

用吳叔永韻

細雨斜風寂莫秋
黃花壓鬢替人羞
□□□□
負箜篌
燕子樓寒迷楚夢
鳳皇池暝愜秦謳
暮雲凝碧可禁愁

又

詩蔡千及

小雨輕霜作嫩寒
蠟梅開盡菊花乾
清香收拾貯詩肝
文武兩魁前樣在
功名四諫後來看

麻姑進酒斗闌干

又

六曲屏山似去年
雪花欺得怕□寒
小窗和月照無眠
筆點輕澌心欲折
燭搖斜吹淚空煎
伴人梅影更堪憐

菩薩蠻

和子
有韵

翠翹花艾年時昨
鬪新五采同心索
含笑祝千秋
長睂如莫愁
流光旋磨蟻
換調重拈起
淡

院竹和絲皺紅裁舞衣

鷓鴣天

爲老人壽

天理從來屈有信東風到處物皆春
門前驄馬權奇種臺上慈烏反哺心
花島屐桺湖尊好將長健傲長貧
諸孫認取翁翁意插架詩書不負人

蝶戀花

画斛黃花寒更好人愛花繁却被花催老
舊恨

新愁誰醞造帶圍暗減知多少
開眼萬般渾是惱只仗微醺假寐寬
懷抱隔屋愁眉春思早
數聲啼破池塘草

臨江仙

萬紫千紅鬢上粉聚成一撮精神
宣和宮樣太清真韶風搖斗帳芳露溼綸巾
消得流鶯花底滑一聲驚起梁塵扶將芍藥牡丹春光浮金盞
面香到玉池津

南鄉子

向刻作行香子誤
或作賀方回

風雨過芳晨多少愁紅恨紫塵
兩點眉尖疑遠碧紛紛又被楊花誤一春
金鳳壓嬌雲睡起紗窗背欠伸
心事欲言言不盡沉沉乳燕雛鶯
觸撥人

眼兒嬌

平沙芳草渡頭村綠遍去年痕
遊絲下上流鶯來往無限銷魂
綺窗深靜人歸晚金鴨水沈

溫海棠影下子規聲裏立盡黃昏

又

壽錢
德成

花光燈影浸簾櫳蓬島現仙翁
瑤裾織翠詩瞳點碧酒臉潮紅
寶郎陰德知多少萬卷奏新功
前庭梧竹後園桃李無限春風

南鄉子

德清舟中
和老人韻

霜月冷婷婷夾岸蘆花雪點成
短艇水晶宮裏繫閒情誰道
芙蓉更有成阿鵲數歸程人倚

平齋詞

十四

汲古閣

低窗小画屏莫恨年華飛上鬢堪憑一度春風
一度鶯

祝英臺近

爲老人壽

臉長紅眉半白老鶴飽風露歲換星移祿運又
交午須知命帶將夾福推不去穩做箇榮華彭
祖記初度謝他紫燕黃鸝爭先送好語春滿
湖山歷歷舊遊處管教柳外行厨花邊步屨長
占斷好晴奇雨

謁金門

壽夢祥

春正美滿眼萬紅千紫收拾羣香歸甕蟻長年
花信裏深院簾櫳如水雙燕呢喃芳壘啞碧
輕衫人送喜梅梢新結子

又

九月

開笑口又是茱萸重九好水佳山長似舊健如
黃犢走菊蕊崢嶸如豆風雨輕寒初透簷外
鵲聲誰送酒莫閑金盃手

卜算子

簸弄柳梢春呼吸花心露倦粉嬌黃扇底風盡
向眉心度喚醒海棠紋約住櫻桃素上到瑤
臺最上層共跨青鸞去

後句夢
中得

又

芍藥打團紅萱草成窩綠簾捲疎風燕子歸依
舊盧仝屋貧放麴生疎閑到青奴熟埽地焚
香伴老仙人勝連環玉

柳梢青

老人
生日

野服綸巾白鬚紅頰無限陽春二滿三平麓衣
淡飯鍾鼎山林尊前喜氣輪囷道蠶麥分朝
甲申天放新晴人占一飽老子寬心

舜俞於潛人其功烈載在史冊如毀鄧艾祠更
祠諸葛武侯告其民曰毋事仇讐而忘父母尤
力當時稱歎迨卒時御筆批其額亮忠懿
令妙所著兩漢詔聖詩文以世樓大仿又極賞

大治賦一篇予恨未見全集其詩得四十者奇
為送以默素之世予判花嗜酒之篇哲人謂
五岐公文多富貴氣余于辭俞之詞亦云湖
南毛晉跋

平齋詞

終

文溪詞

目錄

蘭陵王

一調

摸魚兒

四調

賀新郎

七調

水龍吟

三調

水調歌頭

四調

念奴嬌

二調

瑞鶴仙

一調

沁園春

一調

滿江紅

二調

菩薩蠻

一調

漁家傲

一調

西江月

一調

浣溪沙

一調

城頭月

一調

文溪詞目錄

終

文溪詞

宋 李公昂

蘭陵王

燕穿幙春在深深院落單衣試龍沫旋薰又怕
東風曉寒薄別來情緒惡瘦得腰圍柳弱清明
近正似海棠怯雨芳踪任飄泊 釵留去年約
恨易老嬌鶯多誤靈鵲碧雲杳天涯各望不
斷芳草更迷香絮回文強寫字屢錯淚欲注還

閣 孤酌住春脚便彩局誰忤寶軫慵學堦除
拾取飛花嚼是多少春恨等閑吞却猛拍闌干
嘆命薄悔舊諾

摸魚兒

曉風吹繡簾低舞霜霏香碎紅雨燕忙鶯嬾春
無賴嬾爲好花遮護渾不顧費多少工夫做得
芳菲聚休顰百五却自恨新年游疎醉少光景
恁虛度 猊螯瘦困起庭陰正午游絲飛絮無

據千林溼翠須臾遍難綠鬢根霜縷愁絕處怎
忍聽聲聲杜宇深深樹東君寄語道去也還來
後期長在紫陌歲相遇

又

用古買坡塘
旋栽楊柳韵

敞茅堂茂林環翠苔磯低蘸煙浦青簑混入漁
家社斜日斷橋船聚真樂處坐芳草瓦樽滿酒
頻頻注皐禽自舞慣松逕穿雲梅村踏雪朗笑
自來去車聲墜爭似脩筇穩步前程回首俱

誤安閒得在中年好抱甕尚堪蔬圃高眼覷算
不識人間寵辱除巢許風簾解語應共笑羣狙
無端喜怒三四計朝暮

又

五羊郡圃築
壯猷堂落成

遶西園粉籠千雉鏡池屏石天造主人意匠工
收拾華屋落成聞早輪奐巧望縹緲五雲深處
移蓬島油幢羽葆指貔虎長驅鯨鯢網取電走
捷旗報 鐃吹發回廡連屯飲犒海山波靜煙

埽綸巾蕭散環珠履春滿綠楊芳草人境好是
握穗五翁福地無塵到芝書在道便整頓乾坤
經營萬宇棟國要元老

又

送王子文
知太平州

怪朝來片紅初瘦半分春事風雨丹山碧水含
離恨有脚陽春難駐芳草渡似叫住東君滿樹
黃鸝語無端杜宇報采石磯頭驚濤屋大寒色
要春護陽關唱画鷁徘徊東渚相逢知又何

處摩娑老劒雄心在對酒評今古君此去幾萬
里東南隻手擎天柱長生壽母更穩步安興三
槐堂上好看綵衣舞

賀新郎

陪廣帥方右
史登越臺

繡谷流明幟穩飛輿茵柔草碧葢歌松翠邀首
意行竊絕頂綵榭千年勝地遠峰斷莽蒼煙水
護日晴雲收午暑颯長風振葉生秋思籠霧柱
影霞袂 清明官府歌棠芾且蕭閒事外下看

玉城珠市山色驕人逢此客塵尾霏霏露碎一
笑又羊銜新穗田野歡聲和氣合喚觥船猛爲
漁占喜誰會得醉翁意

又

餞廣帥馬
方山赴召

世羨官高大又誰知幾多卿相身榮名壞我輩
相逢無愧色彼此蒼顏健在又容易分攜越海
寫出陽關離別恨看一行雁字斜分界天下寶
願自愛白衣蒼狗須臾改久冥心雞蟲得失

鸚鵡遲快君帶貂蟬頭上立老我荷衣草帶肯
此膝向人惟拜遠餞元非趨炎者二十年相與
形骸外義金石更堅耐

又

同年顧君景冲雲翼經屬
官舍白蓮盛開招飲水亭

誰種藍田玉碧雲深深月上水明溪曲羞作
時粧兒女態冷淡水餐露沐出塵外風標幽獨
除了留侯無此貌便何郎傳粉終麓俗意凝遠
韵清淑涼臺向晚微風馥訝銀盃羽化折取

戲浮醺醖安得梅花如許
大天遣辟除暑溽渾
不覺驚翹鷗沐可恨妖妃
汙太液只東林社友
追遊熟宜夜看燦瑤燭

又賦
菊

細雨黃花說是天教開
遇重陽玉裁金屑老行
要尋松竹伴雅愛山翁
鬢雪任滿揔追陪節物
惟有淵明吾臭味
傍東籬盤薄芳叢
擷便無酒也清絕
芒寒色正孤標潔
慣平生餐霜飲露

倚風迎月不比芙蓉偏嫵媚不比茱萸太烈似
隱者瀟閑岩穴至老枝頭猶健在笑紛紛紅紫
塵沙汨香耐久看晚節

又

饒廣東吳憲燧
時持節憲江西

元日除書溼到而今西風老矣駕輶初入自是
龍顏深注想孤鳳翔而後集久父老攀留原隰
庾嶺經行梅亦喜小奚奴背底惟詩笈冰雪句
又誰及 昨來容易風雲翕便三台兩地也只

等閑如拾天馬不鳴凡馬喑百步何如五十況
洶洶波濤方急此去一言回天力看著高百尺
竿頭立澆磊砢快鯨吸

又

再用韵
餞吳憲

過雨璇空溼浩秋香光浮桂菊曉風吹入柳繫
牙檣應小駐草草還成勝集又追趁牡車原隰
照座玉人風骨聳想胸蟠蕊闕琳琅笈真作者
世難及 遠山雲霧工開翕共朱闌徙倚總好

錦囊收拾老我祇今才思澀知二爭如知十戛
金縷檀敲休急訪古夷猶行八境憶朝陽鳴鳳
臺端立筆也醉硯池吸

又

丙辰自壽游
景泰小隱作

天地中間大縱遨遊登山臨水散人一箇學易
已來秋又六肯趁名韁利鎖得日日安閑笑過
金馬玉堂也曾到儘不妨拍手溪頭坐風蕩笠
月蘭舸今朝記是初生我近小春黃菊猶葩

早梅將朶拔宅危巔窮勝踐指點塵寰蟻磨看
澗底飛泉□□松柏蒼□俱壽相更千年雪鶴
鳴相和安期老舉盃賀

水龍吟

癸丑江西
持憲自壽

唱恭初意如何揭來五十三年矣犁鋤頗熟詩
書粗解簪紳聊耳自信柴愚真成汲戇却無劉
賦向高秋初度同時有菊淡相對風霜裏最
癖登山臨水又何心蝸名蠅利俗緣未了強教

肉食何曾知味無事微吟會心微笑逢場微醉
把日生只恁安排領取百十二歲

又

和吳憲韵且堅
鬱孤同游之約

驛飛穩駕高秋迎人滿目清新景秋還有色芙
容照水晨妝對鏡雪捲寒蘆字橫過雁渡浮孤
艇是騷人行處腔風調月香滿袖過梅嶺斷
岼煙收人靜雨聲乾桐疎楓冷掀髯獨笑仙翁
起舞臥龍呼醒近小陽春爲梅也合遲遲鞭影

更鬱孤一笑追歡料得玻翁首肯

又

碧□□□□花柳陰稠綠波痕賦一聲雷鼓半
空雪浪雙龍驚起氣壓鯨鯢怒掀鱗鬣開煙
水算戰爭蠻觸雌雄漢楚總皆一場如此點
額許教借一得頭籌歡呼震地翻嗤浮世要津
撓進奔波逐利鬪了還休倩渠銜寄三閭角黍
會風雲快出爲霖可但領明珠唾

水調歌頭

題飭

郭外足幽勝
潮入漲溪流
舫坐小小一葉老子
日遨遊管領白步紅
披戴綠簑青筍直釣任
沈浮玉縷飽鱸膾雪陣狎沙鷗
箇中眼箇中
坐箇中謳箇中收拾詩料
觴客箇中留休羨棄
槎博望且聽洞簫赤壁樂處是瀛洲
日月盪雙槳天地一虛舟

又

題斗南樓和劉朔坐韵

萬頃黃灣口千仞白雲頭一亭收拾便覺炎海
豁清秋潮候朝昏來去山色雨晴濃淡天末送
雙眸絕域遠煙外高浪舞連艘風景別勝滕
閣壓黃樓胡床老子醉揮珠玉落南州穩駕大
鵬八極叱起仙羊五石飛佩過丹丘一笑人間
世機動早驚鷗

又

壽參政
徐意一

地位到公輔耆艾過稀年幾人兼此二美而況

是名賢松柏蒼然長健薑桂老來愈辣勁氣九
秋天鯁鯁嬰鱗語不改鐵心堅 說武夷同此
月瑞三仙公雖居後瓌奇偉特却光前續得紫
陽脈絡了却西山事業舟楫濟商川飲對黃花
酹一酌歲三千

又

題登
春臺

埜趣在城市崛起此臺高誰移蓬島馮夷夜半
策靈鼇十萬人家甃碧四面峰巒湧翠遠峙拍

銀濤插漢筆雙塔簸兩葉輕舠 我乘風時一
到共嬉遨江山無復偃蹇彈壓有詩豪寶劒孤
橫星動鐵笛一聲雲裂寒月冰宮袍滄海一盃
酒世界眇鴻毛

念奴嬌

壽王
守母

瑤池高會見雲香鳳背風柔鶴膝天遣月卿來
拜舞新拜璽書增秩有母能賢生兒如此總是
前身佛孫曾戲綵慈顏一笑開逸 曾向渾尺

軒中共評今古手寫王言緯箇裏迺翁棠蔭在
映得梅仙山碧人愛黃堂祝萱堂壽拍拍歡聲
溢明年宣勸蟠桃大棗庭實

又

寶祐丁巳閏四月偕
十友避暑白雲寺

麥秋時候薄陰罩炎日山行棄輿筇屐追隨多
勝侶青佩黃冠方領坐石談玄聽泉濯暑直上
千山頂倚風長嘯籟鳴林谷相應忽湧雲氣
漫空海吹急雨覺冰練微冷洗盡人間名利障

便是蓬萊仙境半日偷閑一生清福豈在榮鐘
鼎青燈深夜陶然獨妙清聖

瑞鶴仙

甲辰
燈夕

玉城春不夜映月璧寒流燭蕩光射鼇山海雲
駕擁遨頭簫鼓錦旗紅亞東風近也趁樂歲良
辰多暇想陽和早遍南州暝得柳嬌桃冶堪
画紗籠夾道露重花珠塵吹蘭麝歌朋舞社玉
梅轉鬧蛾耍且蠶占先探羊郎戲巧又卜紫姑

燈下聽歡聲猶自未歸鈿車寶馬

沁園春

監司元宵
招隱不赴

纔到中年節物渾閑賞心頓輕據隨分東風瓶
簪柳雪應時燈夜棚綴蓮星自一家春也三盃
酒巧鹽堆香笑語聲又何須聽邯鄲西樓絃管南
陌簫笙平生黃卷青燈肯珠翠奢華八尺檠
欲趁隊閑嬉雕鞍寶馬回頭猛憶破案囊螢鄰
曲漁歌庭除鶴舞塵外冰輪徹骨清人閑處這

炯方寸一點長明

滿江紅

江西持憲
節登高作

薄冷催霜碧空豁飛鴻斜度□九日御風絕頂
下看塵宇滕閣芳筵牋筆妙龍山勝踐旌旗駐
料山靈也要可人遊成佳趣吹帽墮羞千古
題餉字非吾侶却坐間著得煮茶桑苧萬里寒
雲迷北斗望遠峯夕照顰西顧且滿浮大白送
黃花劒休舞

文溪詞

十二

汲古唐

又

和劉朔漢
節亭韻

人似梅花峭玉立歲寒風節新
圃闢種梅千樹幻成南雪池
碎瀑聲荷捧雨徑涵秋影篴
節月喚石君錯落坐庭前紅
塵絕嫌聒耳簫箏憂慵著
眼俳優狎但一觴一詠放懷
開闊涌地池亭工掩映擎天
柱石覘施設待枝金顆可調
羹休輕折

菩薩蠻

別劉朔
後寄詞時朔
三抵峽山拾遺詞至

雲山疊疊雙眸短夢魂夜趁行人遠千里共襟
期吟風飲月時碧溪穿翠峽雪意蓬蕭颯安
得翅飛來衝寒同訪梅

漁家傲

重著夾羅猶怯冷隔簾拜祝團圓鏡取片龍涎
安古鼎香閣靜橫窗寫出梅花影寒鵲顫枝
飛不定回紋刺就更籌永小玉欣眠呼不醒霜
氣緊麗譙吹動梅花引

西江月

小鷁載池心月長虹跨水中
天主人情重客留
連便欲乘風寒殿
霜竹且傳秋信
鏡裏不作
春妍夜涼正好倒金船
朔飲而今再見

浣溪沙

荀玉纖纖拍扇紉戲拈荷葉起文鴛
水亭初試
小龍團
拜月深深頻祝願
花枝低壓髻雲偏
倩人解夢笑喧喧

城頭月

和廣帥馬方山韵贈斗南樓道士青霞梁彌仙

工夫作用中宵晝點化無中有真氣長存童顏
不改底用呵磨皺一身二五之精媁積得嬰
兒就試問霞翁三田熟未還解飛冲否

花菴初道云李俊明名昂英號文隱升

菴初品云李昂名昂英漢州郪縣人集

家藏文隱詞又云名昂即字俊明番人未

知孰是因送太平州太守王子女初得名升

陽志心選法一詞愁為詞系射鵰手用脩又極
稱蘭陵王一以可無素因余讀摸魚兒諸
篇其佳處字趣揚抑外曉風殘月耶古
雲毛音入

文溪詞終